

時
病
論

(四)



時病論卷之七目錄

秋傷於溼冬生咳嗽大意

痰嗽

乾咳

擬用諸法

加味二陳法

溫潤辛金法

清金甯絡法

備用成方

瀉白散

清肺飲

瓊玉膏

丹溪咳血方

千金久嗽方

二陳湯

景岳六安煎

臨證治案

伏溼作嗽認爲冬溫

伏溼致嗽

痰嗽補脾取效

燥氣伏邪作咳

燥氣刑金致使咳紅

陰虛之體伏燥化火刑金



南京中医药大学图书馆版权所有

時病論卷之七

安州劉賓臣先生鑒定

三衢雷 豐少逸手著

受業

新安程曦錦雯

盈川江誠抱一叅訂

秋傷於溼冬生咳嗽大意

考六氣之中、溼氣在乎秋令、故經謂秋傷於溼、溼土之氣、內應乎脾、脾土受溼、不司運化、內溼釀成痰飲、上襲於肺、遂爲咳嗽病矣、夫六氣之邪、皆能

令人咳嗽、又不獨乎溼也、斯言溼者、是爲伏氣咳
嗽、有西昌喻嘉言先生疑溼字之訛、改作秋傷於
燥、發明秋燥之論、雖有悖經之罪、然亦因乎六氣
起見也、蓋內經論溼、殆在乎立秋處暑白露溼土
主氣之時、喻氏論燥、殆在乎秋分寒露霜降燥金
不卽發者、溼氣內釀成痰、痰襲於肺而作嗽、名曰
痰嗽、治宜理脾爲主、滲溼爲佐、如秋末傷燥、不卽

發者、燥氣內侵乎肺、肺失清降而作咳、名曰乾咳、
治宜理肺爲主、潤燥爲佐、總之不越兩太陰之治
也、斯言傷溼傷燥而咳嗽者、皆由秋令之伏氣而
發于冬、其卽發者、仍歸傷溼秋燥門中治之、

痰嗽

痰嗽者、因痰而致嗽也、夫作嗽之病、風寒暑熱、皆能
致之、古人議論紛紜、惟李雲間張若耶二先生、皆括
爲內傷外感、觀其立論、卓犖不羣、然與內經秋傷於

溼之嗽無預、豐不揣鄙陋而特補之、斯病也、良由立
秋以後、秋分以前、先傷於溼、溼氣內踞於脾、釀久成
痰、痰襲於肺、氣分壅塞、治節無權、直待冬來、稍感寒
氣、初客皮毛、漸入於肺、肺氣上逆、則潛伏之溼痰隨
氣而逆、遂成痰嗽之病矣、其脈必見弦滑、或見微緊、
右寸關必較餘部不調、舌苔白潤、胸次不舒、痰白而
稀、口不作渴、此皆秋溼伏氣之見證也、理當治脾爲
主、滲溼化痰爲佐、宜以加味二陳法治之、如有惡寒

發熱者、再加蘇梗前胡、氣喘者、加之旋覆蘇子、當隨其證而損益之。桂枝湯加蘇梗、前胡、蘇子、半夏、白芍、甘草、大棗
或問作嗽之病、四時皆有、今觀是篇、獨發於冬、他時之嗽、因何勿論耶、答曰、子不觀本論中、原有風寒暑熱皆能致之之說、四時都有咳嗽之病也、曰、何不分而論之、曰、前之風溫風熱風寒冒風暑咳秋燥、以及後之冬溫條中、皆有咳嗽之證、若重複而論之、能不令人心厭乎、是論專言伏氣釀痰致嗽、而風寒暑熱

致嗽者、可毋重贅耳、

乾咳

乾咳者、乏痰而咳逆也、此因秋分之後、先傷乎燥、燥氣內侵乎肺、當時未發、交閉藏之令乃發、斯爲金寒水冷之歟也、前論秋燥條中、是爲燥之新邪、此論乾咳、是爲燥之伏氣、其證咳逆乏痰、卽有痰亦清稀而少、喉間乾癢、咳甚則胸脇引疼、脈沉而勁、舌苔白薄而少津、當用溫潤辛金法治之、如胸脇痛者、可加旋

覆橘絡、咳逆艱難者、再加松子款冬、咳劇震動血絡、
喉痛吐紅脈轉沉滑或沉數、此燥氣已化爲火也、當
用清金寧絡法治之、如咳逆氣短甚則有汗、咽喉乾
燥者、當用金水相生法治之、蹉跎失治、最易延爲癆
損、可不謹歟、

或問曰、曾見內經有五臟六腑、皆令人咳之訓、今先
生只列痰嗽乾咳爲二門、不及臟腑等咳、毋乃遺漏
乎、曰、是書專論四時之咳、如春令風溫之咳、夏令暑

熱之咳、秋令秋燥之咳、冬令冬溫之咳、其實五臟六腑之咳、不過就其見證而分、如胸疼喉痛爲心嗽、兩脇下痛爲肝嗽、右胠痛引肩背爲脾嗽、喘急嗽血爲肺嗽、腰背相引而痛爲腎嗽、又有小腸嗽者、嗽而失氣也、膽嗽者、嗽嘔苦水也、胃嗽者、嗽而欲嘔也、大腸嗽者、嗽而遺屎也、膀胱嗽者、嗽而遺溺也、三焦嗽者、腹滿而不食也、此皆內經分臟腑之嗽也、念莪先生已分條治之、茲不復贅、

擬用諸法

加味二陳法

治痰多作嗽、口不作渴、

白茯苓

三錢

陳廣皮

一錢

製半夏

二錢

生甘草

五分

生米仁

三錢

杏仁

三錢去皮尖研

加生薑二片飴糖一匙爲引

苓陳夏草卽二陳湯也、汪訥菴曰、半夏辛溫體滑性燥、行水利痰爲君、痰因氣滯、氣順則痰降、故以

陳皮利氣、痰由溼生、溼去則痰消、故以茯苓滲溼爲臣、中不和、則痰涎聚、又以甘草和中補土爲佐也、擬加米仁助茯苓以去溼、杏仁助陳皮以利氣、生薑助半夏以消痰、飴糖助甘草以和中、凡有因痰致嗽者、宜施此法。

溫潤辛金法

治無痰乾咳、喉癢脣疼、

紫菀一錢蜜水炒
百部一錢蒸

松子仁三錢

欵冬花一錢

五分

叭噠杏仁二錢去皮尖用

陳廣皮

水炒一錢蜜

加冰糖五錢爲引

肺屬辛金、金性剛燥、所以惡寒冷而喜溫潤也、紫菀溫而且潤、能暢上焦之肺、百部亦溫潤之性、暴咳久咳咸宜、更加松子潤肺燥、杏仁利肺氣、欵冬與冰糖本治乾咳之單方、陳皮用蜜製、去其燥性以理肺、肺得溫潤、則咳逆自然漸止、

清金甯絡法

治燥氣化火、喉痛欬紅、

麥冬三錢去心

肥玉竹二錢

北沙參三錢

元參一錢五分

細生地三錢

旱蓮草三錢

冬桑葉三錢

加枇杷葉三錢去毛蜜炙爲引

此治燥氣化火刑金刲絡之法、麥冬玉竹、清其燥火、沙參元參、潤其肺金、細地旱蓮、甯其血絡、益血



南京中医药大学图书馆版权所有

藏肝臟故加冬桑葉以平其肝肺氣上逆故加枇杷葉以降其肺使肺氣得降肝血得藏則欬逆止紅均可定矣

金水相生法 見卷四第二十一頁

備用成方

瀉白散

治肺經有火皮膚蒸熱灑淅寒熱日晡尤甚喘嗽

氣急等證

桑白皮

地骨皮

粉甘草

粳米

水煎温服

清肺飲

治痰氣上逆而作咳嗽

杏仁

貝母

茯苓

橘紅

桔梗

甘草

五味子

加薑煎食遠服

瓊玉膏

飴故時多桑葉以平其根眼藥土酒姑



南京中医药大学图书馆版权所有
此电子书需要完整内网才有访问权 www.ebook.com